

第 四 種
醫 病 簡 要
提 要

醫病簡要一卷書爲裘君吉生得之於同社老友包君越瑚包君申韓家而精歧黃學退隱於醫歷任紹興醫藥學會評議員及會長與著者張畹香生先世交也本書係張氏在紹興一生經驗醫案之錄要其用藥之神斷診之明足資學後模範因世之刊行醫案胥是多方藥而少證論且亦病繁蕪而鮮精湛本書雖了了數十則然則則有簡要之論所謂少許勝人多許也

醫病簡要序

張君晚香先生家住紹城洗馬池讀書時喜學醫博覽羣書迨中年求診輒效由親戚而遍及陌路著手成春一時膾炙人口憶余兄弟苕齡時患病就醫爾時見張公與先父傾蓋談心視其白髮童顏鬚長盈尺年近古稀此後不復再見其哲嗣樸山先生克紹薪傳雖不及迺父之聲名廣遠亦頗有妥當名譽昕夕過從今年秋其賢孫晴岩兄前年由河南回來出其乃祖手著簡要並附醫案兩卷凡傷寒溫邪風溫熱入血室痢疾瘧疾伏暑等證分門別類細閱一遍愛不釋手其議論別有會心衷諸古而不泥古俾後學一目瞭然補前賢所未備益後學於無窮爰名其書曰醫病簡要恨不醵資付諸梨棗以傳後世茲先述其得是書之緣起云爾

民國貳年臘月

後學包越瑚謹撰時年五十有六歲

三三醫書第一集總目

11	10	9	8	7	6	5	4	3	2	1
外科方外奇方	毆蠱燃犀錄	村居救急方	重訂時行伏陰芻言	癰科全書	喉科秘訣	醫階辯正	醫病簡要	醫經秘旨	醫事啟源	溫熱逢源
22	21	20	19	18	17	16	15	14	13	12
專治癰痧初編	新刊診脈三十二辯	內經辯言	舊德堂醫案	推篷寤語	凌臨靈方	重訂靈蘭要覽	重訂痧疫指迷	沈氏經驗方	臨症驗舌法	欽論經旨
33	32	31	30	29	28	27	26	25	24	23
南病別鑑	曹仁伯先生醫案	本事方續集	馬培之醫案	醫源	宋本備急灸法	秋瘧指南	蘇州陳氏幼科秘訣	先哲醫語	本草衍旨	評註逢源科心法

醫病簡要目錄

舌苔

傷寒

溫邪

風溫

熱入血室

痢

暑 伏暑

瘡子

國醫百名家

本社前有國醫百名家
印行亦屬收採孤本
及遺稿並現代名家
著作已出至第八種
書名定價印在書目
書已無多請早購讀

醫病簡要

三三醫書第一集第四種

紹興張畹香先生著

紹興包越瑚錄藏
紹興裘慶元校刊

舌苔

張氏醫通內有傷寒舌鑑圖形議論頗詳盡然予見又有碧滑厚苔者倉橋陳姓年六十二胸痛粒食必吐患經三月脈弦小用丁沉透膈散加參朮令早起煎藥先服二煎食少許覺欲吐立服頭煎得不吐則此法次第用之午亥蓋以藥如鉗然鉗食以藥三月後碧苔盡去三餐皆食 凡傷寒溫邪或七日解或十四日解或二十一日解全憑舌定暑症或上焦或中下焦或三焦均感或五日解或十日解或十五日解亦以舌可定得其竅不失遲早合脈卽死期亦不爽遲早 又凡夏至後之濕邪與少陽經之暑濕症其舌必中黃四圍白皆滑

又有冬春間身熱骨不痛頭不痛舌淨脈沉弦小臥床不能支張氏醫通謂爲少陰症須用黃耆建中湯甚或用四逆法者予曾經見爲疏著歸建中皆以爲非後竟以時手不觀舌而用承氣再邀求救爲不能治

傷寒

咸豐辛酉秋予至陽嘉龍孫治暑濕彼地有時醫概用承氣加以括蕪兩許滾痰丸枳實速其死孫紹翁云沿海人輕病則不服藥若重病經吾翁必十五日始愈或不愈反不若彼之一劑危兩劑死之免醫藥費床褥債也則作福亦是無窮吾於是順天者之昌也 陝西人患傷寒喜溫通巴豆丸河南人大黃可用至兩許川連不能服一錢此總戎馬佑菴先生告予也總戎河南人帶兵足跡徧天下本府山會用藥相等新嵎能服麻黃蕭諸喜溫補以地近杭省習氣相染也蘇杭人柴胡厚樸不能過一錢蘇人不服大黃以金汁代之 凡醫十

三科全者名全書或專論傷寒者名六書如靈胎六書等類或以中風列首以風爲百病之長也又以傷寒列首雜病次之以仲景爲醫之祖傷寒爲一集雜病金匱要畧爲一集也 予集前賢外感內傷治法方藥名曰醫針於傷寒頭緒頗繁令人眩瞀將以六經分說不使稍混因病中止俟集成就正茲先呈治案數則

陶姓年七十外王鴻軒先生之母舅也正月初水瀉無度神憤不能起立診脈空大是傷寒直中太陰以附子理中而愈

香粉術俞策兄十一月渠店夥屠越兄邀診身熱舌黃喉乾舌乾齒浮脈浮大患經五六日予知爲陽明症甫診畢其家已延以傷寒名者至爾時戚友趨擁入診開小柴胡雜以消導蓋此人祇有小柴胡達原小承氣不論四時六氣舌苔有無黃白皆此其新人耳目者枳壳枳實麻子仁大黃滾痰丸厚樸神麴五

穀蟲蓂仁出入加減而已予因言此屬陽明胃經當用葛根湯對曰不特陽明連太陽亦有於方末加葛根一錢五分予不覺噴飯次日則用蓂仁枳壳十二三日病不去乃邀予治其陽明經仍在不傳府爲疏葛根湯兩劑身卽涼

會稽明府耿修翁乃弟十一月水瀉痙厥神呆不省人事脈沉弦小舌淨身不熱已服過消導多多予謂此直中太陰未罷而傳厥陰用理中合人參吳茱萸湯一劑水瀉止痙厥神呆如故次日再診脈浮弦小身熱有微汗自由厥陰轉出少陽當用小柴胡領邪外出兩劑神清痙去大便秘解正七日云

類傷寒中脚氣惟廣東福建多患此有死者紹地惟餘姚百官會稽東關一路有之俗名大脚風發作則有寒熱其病由於濕熱若初起以防己湯加蒼朮牡蠣澤瀉治之可也方書脚氣入腹者死曾見痛至少腹而死者

溫邪

道光己酉三四月城鄉溫邪盛行予以吳氏條辦法頗効錦麟橋范合家病三十餘人並其戚被染者經予一手治愈爾時晝夜赴救往往枵腹從事致感染合家幸予預製紫雪丹無論人我均效緣邪每犯心宮則危見機早用爲要次年庚戌溫邪尤盛以連歲太潦平地水高數尺五穀不登遂致奇荒荒年以後必有溫疫也於是益信又可飽腹不病之說遂不復染

昌安街董五月病溫五六日舌鮮紅呃逆脈沉小弦數神昏口舌燥不飲水予謂邪在血分將發斑也用玉女煎石膏加至一兩麥冬五錢根生地一兩犀角一錢五分磨冲羚羊三錢複大青以託斑柿蒂以除呃兩劑斑出神清

府橋泥水匠鍾大成舌鮮紅呃逆脈洪數面紅氣盛是邪在心肺上焦黃芩湯加大力甘桔根生地一兩生石膏二兩麥冬五錢犀角羚羊角柿蒂兩劑呃除身涼

營橋丁發頤大如馬刀喉赤腫痛舌黃厚脈數大說疫所謂疔瘡瘟也病經十餘日由於失下普濟消毒以人中黃易甘草加製大黃五錢不應加至八錢大團血而解（黃芩 黃連 陳皮 甘草 元參 連翹 板藍根 牛蒡 薄荷 僵蠶 升麻 柴胡 桔梗 馬勃 或加人參 便閉加大黃）

孫府孫病十餘日舌白薄脈浮數所服初則達原繼則承氣余謂此屬上焦症誤用中焦故不效用辛涼法加生石膏羚羊大汗而愈

教場沿高病溫多日舌白薄神昏迷口不渴脈伏小予謂邪在上焦將欲作汗須領邪外出黃芩湯加薄荷大力羚羊石膏甘桔一劑次日大汗大渴飲水無度胸腹脹滿小便不通用白虎湯加瓜蒌皮一兩帶皮茯苓一兩一劑小溲如注而解（石膏 知母 甘草 粳米）

杜元亨舌黃厚周身發黃胸痛拒按氣喘不能臥而坐自述病前多食厚味黃

芩湯合調胃承氣加厚朴三錢枳實二錢川連二錢綿茵陳梔子三劑大便暢解黃去身涼

范可齋四月間上焦溫邪用辛涼法戰汗體冷如冰人不能支又可所謂體厥也診脈靜小余囑其家勿驚擾疏沙參麥冬根生地花粉等滋肺而愈蓋書以汗後脈如蛇者死若沉部似有似無亦當死又云脈不爲汗下減者死上城隍廟道士溫邪舌黃脈沉小無力予謂明日當戰汗脈太弱恐戰而不得汗也次日果作戰不汗而死

螺螄橋一人前一日診脈沉小予謂明日當戰汗若體厥切勿驚擾次日汗後奄奄一息脈靜小疏大劑滋肺湯甫出門其家又延一有名者至以予藥爲補用承氣湯服之卽死

又治一人黃昏大躁盡去衣服忽作冷穿衣蓋被復大戰如作瘡狀至天明大

汗淋漓衣服如水中撈起下午診脈尙浮數身尙熱舌苔尙有白薄者予謂邪未淨尙有汗用滋肺湯寐中又盜汗兩三夜邪始淨

大坊口趙患溫邪三日其兩腳大痛不能起立予謂說疫中所云瓜瓢瘟疙瘡瘟大頭瘟皆有方又有極重者謂之軟腳瘟患必死無方也然予思總由腎水之虛肝家血分之熱用張石頑先生下焦肝痛方加炒小茴香一錢五分川棟子三錢酒延胡一錢五分於黃芩湯中三劑後足痛去溫邪亦漸瘥嗣後無論男婦遇軟腳瘟用此法俱效

大坊口趙婦產三日後患溫邪予遵張石頑先生論凡遇胎前產後所患不拘何病總以胎產爲本以病爲標名病爲產後患溫邪產後當理血分以根生地涼其血赤芍川芎通其血以薄荷桔梗川連甘草辛涼其肺而黃芩白芍產後所禁不用不過四劑乃愈

凡溫邪或暑濕一見舌尖鮮紅卽爲邪走心包速須紫雪截其來路如神至昏
瘥多用亦難見效宗滌翁耶似青質弱平時脈無神予與劉友仙二兄深慮之
道光庚戌六月患溫四五日辰刻診予謂其戚王珠翁云此症下午必入心包
紫雪香散恐不克當不得已用人參湯送遲則不救予以原料紫雪付之不卽
服黃昏瘥厥大汗起立無常脈虛小予覆以不治殊不知珠翁之夫人爲滌翁
之妹三月間患溫邪予以紫雪治愈是年溫邪犯心卽危見機早用或效或問
何以與又可法不同予謂嘉慶年間所謂任大黃者用又可大劑承氣得效以
天運交七赤八白七赤屬大腸金八白屬脾土今則交九紫火屬心故邪亦走
心包卽肝厥肝痛之多且甚者亦由心火盛盜其母氣肝虛易於致病鴉片烟
之盛行舒其肝鬱耳明萬歷年間閩人至京售一粒金丹所稱阿芙蓉卽鶯粟
漿也惟任翁用又可法大發財名爲傷寒世家其實真正傷寒辨經別絡恐難

雪亮也城鄉各鎮尤而效之不過達原一飲承氣一湯複以消導逐穢不分四時百病概謂傷寒無論老幼強弱均用此法無論舌苔有無與黃白無不攻消於是人人知醫個個插嘴其術愈卑其業愈賤孔子云小道必有可觀今則小之欲無觀之沒有故有志者遁而之他萬不習醫而醫乃絕

風溫

道光年間錢友三三月間患風溫十餘日始邀予舌乾紅起縐按之無液與喉唇皆燥難忍不寐身灼熱無汗咳痰不出脈小數予謂此屬上焦症由過服消導發散所致用根生地兩許元參麥冬玉竹沙參丹皮桑葉蔗漿七八劑而愈同治甲子二月偏門謝患風溫十餘日身熱舌鮮紅咳痰不出嘔吐不得食脈浮洪大是邪在上焦誤服小承氣與調胃承氣正合傷寒論不應下而下之致成結胸用瀉心湯用生薑瀉心湯先除其嘔繼用黃芩葶等湯加減而愈

倉橋孔小山先生乙丑冬季年八十四患風溫多日身熱無汗舌黑口齒燥甚大便水瀉脈洪大是其本色蓋高年未有脈不洪大爲六陽者也閱所服是葶蘇子等瀉肺雜以消導致邪陷下焦故不得汗不得汗則身不得涼今津液已涸當救其陰用黃芩湯複以增液湯瀉止再以葳蕤湯得汗身涼

治一孩三歲二月間辰刻身熱嗜臥呼喚不醒至黃昏惟聞喉間痰聲壅塞水漿不入予以馬勃一兩以病起勃然故用勃然而興之藥碎爲小塊紗包鐵物壓煎又以箸掉以手揉緣輕浮之物不易煎汁耳煎數大碗將孩抱起仰天灌一瓢聞喉中聲尤響逾時向地傾之又灌又傾二更後喉忽開大叫乃醒天明不出汗身涼竟不服藥

又治世姪范定甫甫週歲三月患風溫越五十日氣絕委諸地尙溫又抱之予診脈小數虎口紋紫細直透三關舌黑燥其祖母囑母開方以逢藥食必吐絕

食已一月予問不食何以活云見碗必欲飲飲水瀉水耳因思藥之如茶水者必不吐於是以病久氣虛用燕窩一兩以代元參麥冬羚羊角竹葉以代川連黑櫨豆皮一兩以代地黃茯苓通草以通小洩皆無藥氣味者恣飲之三日舌黑爲黃洩通瀉差再三日竟愈食粥飯至今抱子多多

水溝營馮樸園姻兄二月間在諸暨幕中身熱咳嗽病如伏寒路間又感風雨至家則諸筋絡掣痛失紅脈弦數舌黃薄是肺衛心營皆感然營較衛爲重當先治其紅用根生地一兩麥冬銀花羚羊角山茶花絲瓜絡元參赤芍丹桑兩劑紅止再以涼解衛分風熱身涼而愈

乙丑十一月朱石翁年七十三身熱咳嗽左脇大痛脈弦右尤弦且大謂是爲風溫夾肝症怕失紅耳次日果失紅用葳蕤湯減去麻黃石膏加羚羊角丹桑元參麥冬複以牡蠣柴胡梢鼈甲降香蘇子赤芍又令以藕汁甘蔗汁代茶水調